

Sesion informues mbi mirëqeverisjen dhe luftën kundër korrupsionit

Tiranë, 29 janar 2016



Drejtori Ekzekutiv i AMSHC-së, z. Andi Kananaj mori pjesë në Sesionin Informues me temë: "Forcimi i kapaciteteve dhe ndikimi i Organizatave të Shoqërisë Civile në mirëqeverisje dhe luftën kundër korrupsionit në nivelet e qeverisjes vendore", i cili u zhvillua në ambjentet e Hotel Tirana International.

Ky takim u organizua nga Instituti për Demokraci dhe Ndërmjetësim (IDM) dhe Qendra Kombëtare Shqiptare për Trajnim dhe Asistencë Teknike (ANTTARC).

Në kuadër të programit IPA 2014/2015, Delegacioni i Bashkimit Evropian në Shqipëri ka përzgjedhur për të financuar dy projekte:

- Projekti: CIVILISC – Instrumentet e Shoqërisë Civile në luftën kundër korrupsionit do të implementohet nga Instituti për Demokraci dhe Ndërmjetësim në bashkëpunim me Fondacionin bullgar "Risk Monitor" në 20 bashki të vogla e të mesme të vendit.
- Projekti: PACT – Partneritet në luftën kundër korrupsionit do të implementohet nga një konsorcium organizatash drejtuar nga Qendra Kombëtare Burimore e Trajnimit dhe Asistencës Teknike, në partneritet me Fondacioni Shqiptar për Zhvillimin e Kapaciteteve Lokale (ALCDF) dhe Qendra Vepro për Shoqërinë në 15 bashki të zonës veriore të vendit.

Në prezantimin e dy projekteve CIVILISC dhe PACT morën pjesë organizatat e shoqërisë civile, institucionet shtetërore, donatorët dhe aktorë të tjerë përfitues si media dhe institucionet akademike.

Takimi përmbyllës i konsultimeve mbi procedurat e nominimit, votimit online dhe përzgjedhjes së anëtarëve të shoqërisë civile, pranë KKSHC-së

Tiranë, 4 shkurt 2016



Në ambjentet e Ministrisë të Mirëqenies Sociale dhe Rinisë (MMSR) u zhvillua takimi përmbyllës i konsultimeve në lidhje me procedurën për zgjedhjen e përfaqësuesve të shoqërisë civile si anëtarë të Këshillit Kombëtar për Shoqërinë Civile (KKSHC). Ky takim u organizua nga MMSR-ja në bashkëpunim me Agjencinë për Mbështetjen e Shoqërisë Civile (AMSHC).

Në këtë takim morën pjesë Ministri i MMSR-së, z. Blendi Klosi, Drejtori Ekzekutiv i AMSHC-së, z. Andi Kananaj, përfaqësuesi i Zyrës së Delegacionit të Bashkimit Evropian, z. Stefano Calabretta, anëtarja e Bordit Mbikëqyrës të AMSHC-së znj. Kozara Kati si dhe një numër i konsiderueshëm përfaqësuesish nga Organizatat e Shoqërisë Civile (OSHC).

Të pranishmit i përshëndeti me fjalën e tij Ministri Klosi, në cilësinë e Kryetarit të KKSHC-së, i cili vuri theksin te rëndësia që ka ngritja e këtij Këshilli, si urë bashkëpunimi midis qeverisë dhe sektorit të shoqërisë civile, për zbatimin e Strategjisë Kombëtare në krijimin e një mjedisi të favorshëm për zhvillimin e këtij sektori. Më pas, fjalën e mori z. Calabretta, i cili përgëzoi dhe inkurajoi përpjekjet dhe arritjet e deri tanishme në këtë fushë.

Në vijim Drejtori Ekzekutiv i AMSHC-së, z. Kananaj shpjegoi për të pranishmit procedurat nëpër të cilat do të kalojë ky proces dhe më pas, znj. Kati inkurajoi përfaqësuesit e OSHC-ve për një pjesëmarrje sa më aktive dhe cilësore në këtë proces.

Gjithashtu, në kuadër të këtij procesi u prezantua kalendari i planit të veprimit, i cili parashikon që nga data 5 deri në 12 shkurt të jetë periudhë për paraqitjen dhe nominimin e kandidatëve për anëtarë të KKSHC-së. Po ashtu, që nga data 5 shkurt, kalendari parashikon edhe ngritjen e një komisioni ad-hoc zgjedhor edhe me një përfaqësues ndërkombëtar. Ndërkohë që nga data 13 shkurt do bëhet publikimi i kandidaturave të kualifikuara gjatë nominimeve dhe vendoset një afat 3-ditor për kontestim të të nominuarve të skualifikuar. Në datën 16 shkurt do të shpallet votimi online për një periudhë 8-ditore dhe në datën 25 shkurt do bëhet shpallja e fituesve.

Këshilli Kombëtar i Shoqërisë Civile do të ketë 27 anëtarë, 13 nga të cilët do të jenë përfaqësues të nivelit të lartë drejtues të institucioneve publike, 13 përfaqësues të organizatave të shoqërisë civile dhe 1 përfaqësues nga komuniteti i biznesit.

Në këtë takim disa prej çështjeve që u trajtuan dhe u sugjeruan nga të pranishmit ishin: përzgjedhja e kandidatëve të bëhet me kriteret e sakta e të qarta; të mbahet parasysh barazia gjinore mes kandidatëve; përfaqësimi i të gjitha shtresave të shoqërisë me tërë problematikat e tyre, etj.



Konferenca kombëtare "Siguria e Fëmijëve në Internet"

Tiranë, 9 shkurt 2016



Në kuadër të ditës ndërkombëtare të "Internetit të Sigurt", përfaqësuesi i AMSHC-së, z. Kastriot Tota, mori pjesë në konferencën kombëtare "Siguria e Fëmijëve në Internet", e cila u zhvillua në 9 shkurt 2016, ora 10:00-11:30 pranë Hotel Tirana International.

Kjo konferencë u organizua nga Ministria për Inovacionin dhe Administratën Publike; Ministria e Arsimit dhe Sportit; Ministria e Mirëqënies Sociale dhe Rinisë dhe Ministria e Punëve të Brendshme, në bashkëpunim me UNICEF dhe në partneritet me Qendrën për Mbrojtjen e të Drejtave të Fëmijëve - CRCA Shqipëri.

Në këtë takim u nënshkrua "Marrëveshja e Bashkëpunimit për Sigurinë e Fëmijëve në Internet", e cila synon rritjen e efikasitetit të ndërveprimit institucional në funksion të sigurisë online për fëmijët ndaj përmbajtjeve të papërshtatshme dhe mbrojtjen e tyre nga dhuna, shfrytëzimi, abuzimi, rreziqet dhe kërcënimet që vijnë gjatë lundrimit në internet.

Workshop Rajonal - "Aksesi i fëmijëve rom në shërbimet e fëmijërisë së hershme"

Tiranë, 11 shkurt 2016

Workshopi rajonal i organizuar nga Bashkia Tiranë, Këshilli i Qarkut, CRCA Shqipëri, Observatori për të Drejtat e Fëmijës dhe UNICEF, në kuadër të vitit të dytë të programit "Çdo Fëmijë Rom në Kopsht", u zhvillua në ambjentet e Qendrës Rinore të Tiranës.

Në këtë workshop mori pjesë edhe përfaqësuesi i AMSHC-së, z. Kastriot Tota; Zv. Kryetarja e Bashkisë Tiranë, znj. Brunilda Paskali; Zv. Kryetare e Këshillit të Qarkut Tiranë, znj. Bora Panajoti; përfaqësues të UNICEF Shqipëri si dhe përfaqësues të CRCA Shqipëri, gjithashtu dhe nga Observatori i të Drejtave të Fëmijëve. Në takim kishte shumë të pranishëm nga oragizatrat dhe komuniteti rom.

Ky workshop zhvillohet në kuadër të programit të Ministrisë së Arsimit dhe Sportit dhe UNICEF me mbështetjen e Zyrës së Bashkëpunimit Zvicëran në Shqipëri dhe Kooperimit Austriak për Zhvillim . Workshopi synonte të mblidhte së bashku aktorët kryesorë të qarkut të Tiranës për të diskutuar mbi vështirësitë dhe sfidat e hasura vitin e dytë të iniciativës "Çdo Fëmijë Rom në Kopsht" si dhe të hidhte dritë mbi rezultatet e arritura duke dhënë disa modele pozitive integrimi, që kanë ndikuar në uljen e përjashtimit social të fëmijëve rom si dhe rritjen e frekuentimit të arsimit parashkollor nga ky komunitet.



Ditë Informimi rreth modaliteteve të Thirrjes së Parë për Projekte, në kuadër të Programit BalkanMed 2014-2020

Tiranë, 18 shkurt 2016



Një përfaqësues nga Agjencia për Mbështetjen e Shoqërisë Civile (AMSHC) mori pjesë në Ditën e Informimit rreth modaliteteve të Thirrjes së Parë për Projekte, në kuadër të Programit BalkanMed 2014-2020, organizuar nga Ministria e Integritimit Evropian në bashkëpunim me Autoritetin Menaxhues të Programit BalkanMed. Ky aktivitet u organizua në ambjentet e Hotel Tirana International. Në këtë event informues morën pjesë një numër i konsiderueshëm përfaqësuesish të Organizatave të Shoqërisë Civile si dhe të institucioneve publike.

Prezantimi i Programit BalkanMed 2014-2020, më konkretisht, prioritetet, objektivat dhe modalitetet e implementimit të tij u bënë nga përfaqësuesi i Ministrisë së Integritimit Evropian dhe dy përfaqësues të Autoritetit Menaxhues të Programit BalkanMed. Përfaqësuesit e Autoritetit

Menaxhues të Programit BalkanMed, znj. Nikoleta Tatari dhe z. Themistoklis Chatzikonstantinou prezantuan para pjesëmarrësve, në mënyrë të detajuar, të gjitha etapat nëpër të cilat do të kalojë ky proces.

Temat rreth të cilave u diskutua ishin kryesisht plotësimi i Formularit të Aplikimit, specifikimi i buxhetit, dokumentacioni i nevojshëm shoqëruar, ngritja e partneriteteve, ligjshmëria në lidhje me aplikimin, kriteret e përzgjedhjes dhe vlerësimit, komunikimi dhe finalizimi i projektit etj.

Pas prezantimit, pjesëmarrësit adresuan një sërë pyetjesh dhe kërkuan sqarime të mëtejshme rreth mënyrës së aplikimit dhe vështirësive që ata hasin gjatë këtij procesi. Paneli drejtues i kësaj Dite Informimi bëri shpjegimet e duhura duke iu përgjigjur të gjitha pyetjeve të bëra në adresë të tyre.

Në mbyllje të takimit pjesëmarrësit diskutuan edhe për takimin e radhës, i cili do të jetë në kuadër të diskutimit të Programit ADRION 2014-2020, më 29 shkurt 2016.

Workshop - "Hartimi i Politikave dhe Programimi Financiar i Modelit të ri të Menaxhimit Rajonal në Shqipëri"

Tiranë, 25 shkurt 2016



Në kuadër të një diskutimi të hapur për adresimin e instrumenteve institucionale dhe financiare për zhvillimin rajonal në Shqipëri, Instituti i Politikave Publike dhe Private (IP3), Njësia e Bashkërendimit të Programeve Zhvillimore dhe Planifikimit Strategjik në Kryeministri, në bashkëpunim me Agjencinë për Mbështetjen e Shoqërisë Civile (AMSHC), organizuan, në mjediset e Hotel Mondial, workshop-in me temën "Hartimi i Politikave dhe Programimi Financiar i Modelit të ri të Menaxhimit Rajonal në Shqipëri".

Në këtë workshop morën pjesë përfaqësues nga Kryeministria, Ministria e Financave, Ministria e Mjedisit, Agjencia për Mbështetjen e Shoqërisë Civile, si dhe një numër i konsiderueshëm përfaqësuesish



nga Agjenci dhe Organizata të Shoqërisë Civile (OSHC-ve).

Fokusi i këtij workshopi ishte hartimi i politikave zhvillimore, programimi dhe zbatimi i instrumenteve financiar, në funksion të zhvillimit rajonal të vendit, bazuar mbi një analizë të bërë nga Instituti i Politikave Publike dhe Private (IP3) lidhur me skemën e financimit të investimeve publike në nivelin lokal dhe atë rajonal.

Pjesëmarrësve ju uroi mirëseardhjen znj. Albana Dhimitri, Drejtore Ekzekutive pranë Institutit të Politikave Publike dhe Private (IP3) dhe më pas përshëndeti znj. Eriola Muka, Drejtore e Departamentit të Zhvillimit Rajonal dhe Lokal në Kryeministri, e cila vuri theksin te rëndësia që ka adresimi i instrumenteve institucionale dhe financiare për zhvillimin rajonal të vendit.

Gjatë workshop-it fjalën e morën gjithashtu dhe tre eksperte pranë (IP3), konkretisht znj. Besmira Vishe, e cila bëri një përshkrim të shkurtër rreth krijimit të Agjencive të Zhvillimit Rajonal, znj. Monika Brahimi e cila foli rreth historikut të Fondeve të Zhvillimit Rajonal si dhe znj. Blerta Guda, që bëri prezantimin e krijimit të Instrumenteve të Qëndrueshëm Financiar për Zhvillimin Rajonal në Shqipëri.

Në mbyllje të diskutimeve të pranishmit nxorën konkluzione dhe dhanë disa rekomandime për të ardhmen si:

- *Objektivat e Fondit të Zhvillimit Rajonal duhet të jenë në sinkron me Strategjinë e Zhvillimit të Qëndrueshëm SDG-2030 të miratuar në Kombet e Bashkuara, shtator 2015.*
- *Fondi për Zhvillimin e Rajoneve duhet shndërrohet në një mekanizëm financiar që do të mbështesë politikën e re kombëtare të zhvillimit rajonal për të pasur rajone konkurruese me zhvillim të qëndrueshëm.*
- *Fondi për Zhvillimin e Rajoneve duhet të rritet dhe të bëhet pjesë e Programit Buxhetor Afatmesëm (PBA).*

Debat ndërkombëtar "Sipërmarrjet Sociale në Shqipëri – Mes përkufizimeve, qasjeve dhe zhvillimeve"

Tiranë, 26 shkurt 2016

Në kuadër të projektit "U-Impact - Nga Pjesëmarrja Qytetare tek Ndikimi në Politikat e BE-së", pjesë e programit të Bashkimit Evropian "Evropa për Qytetarët", Partnerët Shqipëri për Ndryshim dhe Zhvillim organizoi, tek "Tirana International Hotel", debatin ndërkombëtar "Sipërmarrjet Sociale në Shqipëri – Mes përkufizimeve, qasjeve dhe zhvillimeve".

Në këtë debat morën pjesë aktorë dhe institucione kontribuese të këtij zhvillimi nga ministratë e linjës, institucione akademike, agjenci të zhvillimit e donatore mbështetës të ndërmarrjeve të para sociale në vend, përfaqësues të këtyre ndërmarrjeve si dhe praktika të mira nga zhvillimi i sipërmarrjeve sociale në Estoni, Bullgari, Francë dhe Belgjikë.

Pjesë e këtij debati u bë dhe Agjencia për Mbështetjen e Shoqërisë Civile, e cila ka rritur në vijimësi angazhimin dhe kontributin e saj në financimin e projekteve të Organizatave të Shoqërisë Civile në këtë fushë, duke ndikuar në përshtatshmërinë e legjislacionit për të stimuluar sipërmarrjet sociale, organizimin dhe funksionin e tyre në Shqipëri.

Fjalën e mirëseardhjes, prezantimin i projektit dhe strukturës së debatit e bëri znj. Arjola Agolli – Drejtore e Programeve, Partnerët Shqipëri për Ndryshim dhe Zhvillim.





Debati u zhvilluar në tre panele kryesore:



1. *Zhvillimet e fundit dhe trendi i praktikave të sipërmarrjeve sociale në Shqipëri; Iniciativat ligjore dhe efekti i pritshëm i tyre në zhvillimin e sipërmarrjeve dhe ndikimit të tyre në punësim - prezantuar nga z. Erion Manahasa, përfaqësues i Ministrisë së Mirëqenies Sociale dhe Rinisë i cili theksoi se draft ligji për SS-të është ne përputhje dhe ne funksion te strategjisë kombëtare, se krijimi i SS-ve do te ndikojë së tepërmi ne përmirësimin e jetës së shtresave të marginalizuara, do të rrisë ndërgjegjësimin e popullsisë ndaj kësaj shtrese, ofrimin e shërbimeve, rritjen e punësimit dhe mirëqenies ndaj shtresave qe nuk kanë mundësi ose kanë mundësi të kufizuara. Gjithashtu, në këtë panel foli dhe Arben Shamia – Drejtor Ekzekutiv, YAPS -Youth Albania Professional Services, i cili solli eksperiencën e këtij biznesi social, kontributin që ai ka dhënë në punësimin e shtresave të marginalizuara.*
2. *Tendenat e zhvillimit të SS-ve në Evropë - prezantuar nga Jaan Aps, former CEO of the Estonian Social Enterprise Network, Petko Georgiev - ProlInfo – Bulgaria, Flora Graioni - IREX Europe – Francë dhe Jos Sterckx - Knowledge Centre Social Europe – Belgjikë, të cilët prezantimet e tyre i bënë me video call si një risi e re në rrugët e komunikimit.*
3. *Prezantime nga përfaqësues të SS-ve vendase dhe konkretisht Youth Center "Borderless", Fondacioni Gjirokastra dhe Fondacioni Shqiptar për të Drejtat e Personave me Aftësi të Kufizuar, të cilët prezantuan arritjet dhe sfidat me të cilat ndeshen SS-të e reja në Shqipëri dhe se në çfarë mase janë ekspozuar ato ndaj rrjeteve të SS-ve rajonale e ndërkombëtare.*

Në fund të çdo diskutimi të pranishmit adresuan pyetje të ndryshme dhe shkëmbyen mendime lidhur me tematikat e debatuar.

Takim i ekipit të Tetra Tech ARD dhe përfaqësuesve të AMSHC-së

Tiranë, 1 mars 2016



Në kuadër të hartimit të strategjisë së ardhshme pesëvjeçare të USAID-it për Shqipërinë, u zhvillua në zyrat e Agjencisë për Mbështetjen e Shoqërisë Civile (AMSHC), një takim midis ekipit të Tetra Tech ARD dhe përfaqësuesve të AMSHC-së.

Ekipi ishte i përbërë nga ekspertë të Tetra Tech ARD dhe zyrtarë të USAID-it: Znj. Sue Nelson– Drejtuese e Ekipit të Vlerësimit (Konsulente e Tetra Tech ARD), Dr. Clarissa de Waal– Specialiste për Vendin (Konsulente e Tetra Tech ARD), Znj. Silvana Rusi, Analiste Lokale (Konsulente e Tetra Tech ARD), dhe Znj. Faye Hasselkorn – Zyrtare e Programit të Demokracisë dhe Qeverisjes (USAID Washington).

AMSHC-ja përfaqësohej nga Znj. Leonida Hasa, Znj. Mimoza Çorbaxhi, Z. Kastriot Tota dhe Znj. Silva Gjini.

Në këtë takim u diskutua në lidhje me funksionimin dhe organizimin e AMSHC-së, duke u fokusuar veçanërisht në çështje si:

- Misioni dhe objektivat e AMSHC-së;
- Fushat e veprimtarisë;
- Mënyrat e financimit të AMSHC-së;
- Bashkëpunimi Qeverisje Qendrore dhe Lokale me Shoqërinë Civile;
- Krijimi dhe funksionimi i Këshillit Kombëtar për Shoqërinë Civile;
- Arritjet dhe sfidat e deritanishme në sektorin e Shoqërisë Civile;
- Pritshmëritë dhe hapësirat për përmirësim në të ardhmen;
- Kriteret dhe procedurat në aplikimet dhe financimet me grante;
- Problemet e hasura gjatë implementimit të projekteve, si dhe impakti që këto projekte kanë në shoqëri;
- Hapësirat dhe mundësitë e bashkëpunimit në krijimin e rrjeteve të Organizatave të Shoqërisë Civile në të ardhmen.



Takimi u karakterizua nga fryma e diskutimit të lirë dhe u trajtuan çështje reale që shqetësojnë OSHC-të në Shqipëri.

KONFERENCË KOMBËTARE - "Krijimi i një mjedisi mundësues dhe ngritja e kapaciteteve për zhvillimin e organizatave të shoqërisë civile në Shqipëri"

Tiranë, 2 mars 2016



Partnerët Shqipëri për Ndryshim dhe Zhvillim organizuan një konferencë kombëtare me titull "Krijimi i një mjedisi mundësues dhe ngritja e kapaciteteve për zhvillimin e organizatave të shoqërisë civile në Shqipëri", e cila u zhvillua në ambjentet e Hotel Mondial në Tiranë.

Në konferencë morën pjesë z. Andi Kananaj, Drejtor Ekzekutiv i Agjencisë për Mbështetjen e Shoqërisë Civile (AMSHC); znj. Plejada Gugashi, Manaxhere Lokale Programi - The Olof Palme International Center, Shqipëri; z. Stefano Calabretta – Manaxher i Programit për Shoqërinë Civile dhe të Drejtat e Njeriut, Delegacioni i Bashkimit Evropian për Shqipërinë; znj. Karolina Mikova, Drejtore, Partnerët për Ndryshim Demokratik Sllovaki si edhe përfaqësues të komunitetit donator dhe

organizatave të shoqërisë civile në Shqipëri dhe Sllovaki.

Gjatë konferencës u prezantuan gjetjet dhe rekomandimet nga Matrica e Monitorimit të Mjedisit Mundësues për Zhvillimin e Shoqërisë Civile, Raporti për Shqipërinë 2015. Matja e kuadrit ligjor dhe praktik mundësues për zhvillimin e shoqërisë civile, bazohet në parimet dhe standartet kryesore ndërkombëtare. Në fokus të diskutimeve ishte krijimi i një mjedisi mundësues dhe bashkëpunimi i OSHC-ve me institucionet shtetërore në Shqipëri dhe vendet anëtare të BE-së.

Monitorimi i mjedisit mundësues për shoqërinë civile mbështetet nga Bashkimi Evropian, Balkan Trust for Democracy dhe Olof Palme International Center në Shqipëri përmes financimit të Qeverisë Suedeze.

Në konferencë u theksua roli i AMSHC-së dhe i Këshillit Kombëtar për Shoqërinë Civile në Shqipëri.

Në vijim u prezantua Akademia e OJF-ve, një program inovativ i Partnerëve Shqipëri për ngritjen e kapaciteteve të drejtuesve të OJF-ve shqiptare për të ndërtuar organizata efektive në shërbim të publikut dhe grupeve të interesit.

Një pjesë e aktivitetëve të Akademisë së OJF-ve po zbatohen në bashkëpunim me

Partnerët për Ndryshim Demokratik Sllovaki me mbështetjen financiare të Olof Palme International Center në Shqipëri përmes financimit të Qeverisë Suedeze dhe Slovak Aid – Asistenca Zyrtare për Zhvillim e Republikës Sllovake.



AMSHC organizon takim informues në Shkodër

Shkodër, 8 mars 2016

Agjencia për Mbështetjen e Shoqërisë Civile (AMSHC) organizoi një takim informues në Shkodër, në kuadër të procesit e përzgjedhjes së kandidatëve për Këshillin Kombëtar për Shoqërinë Civile (KKSHC) si edhe informacion mbi aplikimet për Thirrjen Nr. 9 për projekt-propozime, takim i cili u zhvillua në ambjentet e Qendrës Rinore Arka.

Në këtë takim, Drejtori Ekzekutiv i AMSHC-së, z. Andi Kananaj si dhe z. Erion Banushi informuan më gjerë të ftuarit e shoqërisë civile mbi rëndësinë dhe procesin e përzgjedhjes së kandidatëve për KKSHC-në. Gjithashtu informuan edhe mbi mënyrën dhe dokumentacionet e kërkuara për aplikim me projekt-propozime në kuadër të Thirrjes Nr. 9, e cila vazhdon të jetë e hapur deri në datën 25 mars 2016.



AMSHC organizon takim informues në Pogradec

Pogradec, 11 mars 2016

Agjencia për Mbështetjen e Shoqërisë Civile (AMSHC) organizoi takimin informues të radhës në Pogradec, në kuadër të procesit e përzgjedhjes së kandidatëve për Këshillin Kombëtar për Shoqërinë Civile (KKSHC) si edhe informacion mbi aplikimet për Thirrjen Nr. 9 për projekt-propozime, takim i cili u zhvillua në ambientet Hotel Millennium në Tushemisht, Pogradec.



Në këtë takim morën pjesë përfaqësuesit e AMSHC-së, z. Erion Banushi, znj. Leonida Hasa dhe z. Ferhat Aga, të cilët informuan të ftuarit e shoqërisë civile mbi rëndësinë dhe procesin e përzgjedhjes së kandidatëve për KKSHC-në si edhe mbi mënyrën dhe dokumentacionet e kërkuara për aplikim me projekt-propozime në kuadër të Thirrjes Nr. 9.



AMSHC organizon takimet informuese e radhës në Vlorë, Kukës dhe Korçë

Agjencia për Mbështetjen e Shoqërisë Civile (AMSHC) në kuadër të procesit e përzgjedhjes së kandidatëve për Këshillin Kombëtar për Shoqërinë Civile (KKSHC) si edhe informacion mbi aplikimet për Thirrjen Nr. 9 për projekt-propozime, organizoi takimet informuese të radhës në Vlorë, Kukës dhe Korçë, përkatësisht në datat 11, 18 dhe 21 mars 2016.

Në këto takime morën pjesë përfaqësuesit e AMSHC-së, z. Erion Banushi, z. Ferhat Aga, të cilët i informuan të ftuarit e shoqërisë civile mbi rëndësinë dhe procesin e përzgjedhjes së kandidatëve për KKSHC-në si edhe mbi mënyrën dhe dokumentacionet e kërkuara për aplikim me projekt-propozime në kuadër të Thirrjes Nr. 9, e cila vazhdon të jetë e hapur deri në datën 25 mars 2016.



11.03.2016 / Vlorë



11.03.2016 / Vlorë



18.03.2016 / Kukës



18.03.2016 / Kukës



AMSHC akreditohet si Organizatë Dërguese, Pritëse dhe Koordinuese për Shërbimin Vullnetar Evropian të Programit Erasmus +

Lubjana (Slloveni), 25 mars 2016

Agjencia për Mbështetjen e Shoqërisë Civile (AMSHC) akreditohet si Organizatë Dërguese, Pritëse dhe Koordinuese me kod akreditimi Nr. 2016-1-SI02-KA110-013468, pjesë e programit Erasmus + të Komisionit Evropian: "Rinia në Veprim".

Ky akreditimi është i vlefshëm për 3 vjet deri më 25.03.2019.

Nis punimet Konferenca Rajonale P2P

"Shpërndarja transparente e fondeve publike - praktikat e mira të BE-së dhe modelet"

Jahorina (Bosnja dhe Hercegovina), 30 mars 2016



Ky event do të ofrojë një mundësi për aktorët kryesorë të OSHC-ve dhe qeverive nga gjashtë vendet e Ballkanit Perëndimor (Mali i Zi, Maqedoni, Serbi, Kosovë, Bosnjë dhe Hercegovinë) dhe Turqi për të shqyrtuar praktikat aktuale dhe të shkëmbejnë përvojat lidhur me mekanizmat për financim publik transparent në mënyrë që të krijojë një plan të orientuar veprimi, i cili do të kontribuojë në krijimin e një mjedisi të favorshëm për OSHC-të në rajon.

Në këtë konferencë morën pjesë, Drejtori Ekzekutiv i AMSHC-së, z. Andi Kananaj dhe z. Erion Banushi.

